


Խնդրում եմ տեղեկացնել հանձնաժողովի անդամներին, աշխատակազմի ստորաբաժանումների ղեկավարներին, ինչպես նաև նախապատրաստել հակիրճ զեկույց՝ գործակարգավար. խորհրդակցությանը ներկայացնելու համար

ՀՀ հանրային ծառայությունները կարգավորող հանձնաժողովի նախագահ պարոն Մ. Մեսրոպյանին

Տիկին Ն. Գաբրիելյանին՝ Ի գիտություն

Մ. Մեսրոպյան 

« 06 » Դեպիսեբ 2026թ.

ՀԱՇՎԵՏՎՈՒԹՅՈՒՆ

1. Քաղաքացիական ծառայողի անունը, ազգանունը՝

- Արմեն Հունանյան,
- Սիրանուշ Ղարախանյան,
- Զարուհի Ստեփանյան:

2. Զբաղեցրած պաշտոնը՝ ՀՀ հանրային ծառայությունները կարգավորող հանձնաժողովի՝

- Հեռահաղորդակցության վարչության պետ,
- հեռահաղորդակցության վարչության ռեսուրսների կառավարման և տեխնոլոգիական զարգացման բաժնի պետ,
- միջազգային համագործակցության բաժնի պետ:

3. Գործուղման վայրը և ժամկետները՝ Բուդապեշտ, Հունգարիա, 2026 թվականի ապրիլի 29-30-ը:

4. Հրավիրող կողմը (առկայության դեպքում)՝ Եվրոպական միության արևելյան գործընկերության երկրների էլեկտրոնային հաղորդակցությունը կարգավորողների ցանց (EaPeReg) :

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝ Անցկացնել EaPeReg ցանցում գործող կարգավորող մարմինների անկախության և լայնաշերտի հարցերով և ռոումինգի հարցերով աշխատանքային խմբերի համատեղ հանդիպումները՝ որպես աշխատանքային խմբերի նախագահող:

**6.Քննարկված թեմաները (հարցերը)**՝ 15-րդ REWG և 19-րդ IRB EWG համատեղ նիստին մասնակցել են Հայաստանի, Վրաստանի, Մոլդովայի, Ադրբեջանի ազգային կարգավորող մարմինների ներկայացուցիչները, Խորվաթիայի, Լատվիայի, Լիտվայի, Լեհաստանի, Իռլանդիայի, Գերմանիայի և Չեխիայի Հանրապետության ազգային կարգավորող մարմինների ներկայացուցիչները, ինչպես նաև EU4Digital նախաձեռնության ներկայացուցիչները:

EU4Digital նախաձեռնության ներկայացուցիչները ներկայացրին լայնաշերտ կապի հասանելիության մոնիտորինգի գործընթացի արդյունքները: EU4Digital նախաձեռնության շրջանակներում իրականացվող ԵՄ արևելյան գործընկերության երկրների լայնաշերտ կապի հասանելիության մոնիտորինգը ներառում է ԱլԳ երկրներից 2025 թվականի տվյալների հավաքագրումը և վավերացումը՝ ազգային պրոֆիլներ և տարածաշրջանային զեկույց կազմելու նպատակով, որով գնահատվում է լայնաշերտ կապի հասանելիությունը և շուկայի զարգացումները: Հայաստանը, Ադրբեջանը, Վրաստանը և Մոլդովան ներկայացրել են նախնական տվյալները, թեև որոշ տվյալների մասով ճշգրտումները դեռևս ընթացքի մեջ է: Գործընթացի ընթացքում օգտագործվում են այնպիսի հիմնական ցուցանիշներ, ինչպիսիք են՝ ընդհանուր, ամրակցված/ֆիքսված և շարժական լայնաշերտ կապի հասանելիությունը, գերարագ կապի հասանելիությունը (100 Մբիթ/վ և ավելի) և 5G տեխնոլոգիայի համար նախատեսված ռադիոհաճախականային տիրույթի տրամադրման զարգացումները:

Ընդհանուր առմամբ, տվյալները ցույց են տալիս լայնաշերտ կապի ներթափանցելիության զարգացման միտումները շարժական կապի ծառայությունների և գերարագ ամրակցված/ֆիքսված ցանցերի հասանելիության մասերով: Այդուհանդերձ, գիզաբիթային արագագործ կապի հասանելիությունը ԱլԳ տարածաշրջանի երկրներում դեռևս սահմանափակ է և անհավասարաչափ բաշխված: Միևնույն ժամանակ, շարժական կապի 5G տեխնոլոգիայի ցանցերը սկսում են ներդրվել՝ շնորհիվ հաճախականությունների բաշխման և ոլորտի կարգավորման և զարգացման քաղաքականությունների նախաձեռնությունների, ինչպիսիք են ենթակառուցվածքային նախագծերը, թվային ռազմավարությունները և կարգավորող դաշտի համապատասխանեցումը ԵՄ չափանիշներին: Ճշգրտման փուլում գտնվող տվյալները կքննարկվեն երկկողմ հիմունքներով, իսկ վերջնական զեկույցը նախատեսվում է ընդունել Եվրոպական միության արևելյան գործընկերության երկրների էլեկտրոնային հաղորդակցությունը կարգավորողների ցանցի 27-րդ Լիազումար նիստի ընթացքում, որը նախատեսվում է անցկացնել առցանց՝ 2026 թվականի մայիսի 27-ին:

EU4Digital նախաձեռնության ներկայացուցիչները ներկայացրին նաև EU4Digital երկրորդ փուլի տարբեր աշխատանքային ուղղություններով կատարված աշխատանքները և 2022 թվականից ի վեր ձեռք բերված բոլոր արդյունքները: Նախաձեռնությունը ներառում էր մի քանի ուղղություններ՝ հեռահաղորդակցության կանոններ (Telecom Rules), էլեկտրոնային վստահություն (eTrust) և միջսահմանային թվային ծառայություններ, էլեկտրոնային առևտուր (eTrade, կենտրոնանալով էլեկտրոնային մաքսային (eCustoms) և էլեկտրոնային լոգիստիկայի վրա (eLogistics)), էլեկտրոնային առողջապահություն (eHealth), էլեկտրոնային առևտուր (eTrade), տեղեկատվական և հաղորդակցական տեխնոլոգիաների նորարարություն և ստարտափների էկոհամակարգեր, թվային հմտություններ: Հեռահաղորդակցության կանոնների ուղղությունը ներառում է տարածաշրջանային և ազգային մակարդակով աշխատանքներ, որոնք մասամբ աջակցություն են ստացել նաև EaPeReg աշխատանքային խմբերի կողմից՝ RRA, RSA, 5G մասնավոր ցանցերի զարգացում, Թվային ծառայությունների ակտի և Թվային շուկաների ակտի ներդրում Մոլդովայում և Ուկրաինայում, ազգային կարգավորող մարմինների անկախություն, լայնաշերտ հասանելիության մոնիթորինգ և խթանում, 5G անվտանգության համար ԵՄ գործիքակազմ, լայնաշերտ շուկայի վերլուծություն, էլեկտրոնային հաղորդակցության օրենսդրություն (EECC) Մոլդովայում:

Ներկայացվել է նաև Տարածաշրջանային ռոումինգի համաձայնագրի (RRA) ընթացիկ կարգավիճակը: Հաշվի առնելով տարածաշրջանում առկա իրավիճակը՝ 2023 թվականին խումբը որոշել է RRA-ի գործողության ուժի մեջ մտնելու ժամկետ նախատեսել 2026 թվականի հունվարի 1-ը, որը կապահովի սիմետրիկ սակագների կիրառում ԱլԳ երկրներում, որոնք համահունչ կլինեն ԵՄ սակագներին: Մշակվել էր մեթոդաբանություն մանրաձախ արդյունավետ գնի հաշվարկման համար, որը պետք է գումարվի ԵՄ-ում կիրառվող մեծաձախ գնին, ինչն էլ կձևավորի ԱլԳ երկրների միջազգային ռոումինգի ծառայության հաճախորդի համար կիրառվող վերջնական գինը:

RRA-ի վերջին տարբերակը (տարբերակ 38) շրջանառվել էր 2023 թվականի կեսերին և քննարկվել անդամ երկրների միջև: Միևնույն ժամանակ, 2023թ. դեկտեմբերին կայացած Արևելյան գործընկերության թվային ոլորտի նախարարական հանդիպման ժամանակ նախարարները հաստատել են իրենց պատրաստակամությունը ստորագրել RRA-ն: Ուկրաինական կողմը ևս հաստատել է ստորագրումը՝ երկու պայմանով.

- RRA-ն ուժի մեջ կմտնի Ուկրաինայում ռազմական դրության վերացումից 6 ամիս անց,
- RRA-ի ստորագրումը որևէ ազդեցություն չի ունենա ԵՄ-ի և Ուկրաինայի միջև «Ռոումինգ ինչպես տանը» (RLAH) երկկողմ գործընթացի վրա:

Հայտնի է, որ ԵՄ կողմից նամակը փոխանցվել է ուկրաինացի ներկայացուցիչներին, սակայն քննարկումների արդյունքների վերաբերյալ այլ տեղեկատվություն դեռևս առկա չէ: Զուգահեռաբար, «EU4Digital» թիմը թարմացրել է տեղեկատվությունը ԵՄ-Մոլդովա և ԵՄ-Ուկրաինա երկկողմ ռոումինգի պայմանավորվածությունների վերաբերյալ: Մոլդովան 2026 թվականի հունվարի 1-ից միացել է ԵՄ ողջ տարածքում ձայնային զանգերի ավարտման (termination) սակագների կարգավորմանը: Նշվեց, որ առկա են երկու առանձին ռոումինգային տարածքներ, և Մոլդովայի ու Ուկրաինայի միջև կապը դեռևս բացակայում է, ինչի լուծումը RRA-ն է:

Նիստի ընթացքում ԱԳ երկրների ներկայացուցիչները ներկայացրել են իրավիճակը.

**Հայաստան.** Վերահաստատվել է, որ ստորագրման վերաբերյալ քաղաքական որոշումն ընդունված է, ակնկալվում է Ռոումինգի փորձագիտական աշխատանքային խմբի (REWG) եզրակացությունը ազգային խորհրդակցությունների մեկնարկի վերաբերյալ:

**Ադրբեջան.** Երկկողմ քննարկումներ են ունեցել «EU4Digital» թիմի հետ և սպասում են Ուկրաինայի հաստատմանը՝ հետագա քայլերի համար:

**Մոլդովա.** Անհրաժեշտ քայլերն արված են, սպասվում է REWG եզրակացությունը:

**Վրաստան.** Վերահաստատվել է, որ ստորագրման վերաբերյալ քաղաքական որոշումն ընդունված է, ակնկալվում է Ռոումինգի փորձագիտական աշխատանքային խմբի (REWG) եզրակացությունը ազգային խորհրդակցությունների մեկնարկի վերաբերյալ:

**Ուկրաինա.** Թարմացումներ չկան:

Հաշվի առնելով վերոնշյալը և այն, որ վերջին տարբերակի շրջանառումից ի վեր անցել է զգալի ժամանակ, քննարկումները կծարունակվեն՝ այդ թվում նաև համաձայնագրի նախագծի թարմացման նպատակով:

Հետագա քննարկումները վերաբերում էին աշխատանքային խմբերի նոր ձևավորվելիք ուղղություններին, ներառյալ ընդհանուր հետաքրքրություն ներկայացնող թեմաների հնարավոր փոփոխությանը և առաջնահերթ թեմաների հստակեցմանը:

Քննարկման առաջնահերթ թեմաները հետևյալն են.

- լայնաշերտ կապի քարտեզագրում,
- թվային ցանցերի ակտ (DNA), թվային շուկաների ակտ (DMA),
- կարգավորող մարմնի անկախություն,
- ընդհանուր թույլտվությունների շրջանակ,
- լայնաշերտ հասանելիության շուկայի վերլուծությունը և կիրառվող միջոցներ,
- համընդհանուր ծառայության շրջանակ,
- ցանցային անվտանգությունը և կայունություն,
- վերջնական օգտագործողների իրավունքներ,

- գիգաբիթ ենթակառուցվածքների ակտ (GIA),
- արհեստական բանականության ակտ (AI),
- ռոումինգի և սպեկտրի տարածաշրջանային համաձայնագրեր:

Խմբերի ղեկավարության՝ ՀԾԿ-ի ներկայացուցիչների կողմից առաջարկվել է վերակազմավորել խմբերը հետևյալ կերպ.

**Մանրածախ շուկայի և ռոումինգի փորձագիտական աշխատանքային խումբ** (կենտրոնանալով RRA-ի և վերջնական օգտագործողների իրավունքների վրա):

**Տարածաշրջանային կապի և կարգավորող դաշտի փորձագիտական աշխատանքային խումբ** (կենտրոնանալով լայնաշերտ կապի հասանելիության մոնիտորինգի, շուկայի վերլուծության և կարգավորող մարմինների անկախության հարցերի վրա):

ՀԾԿ ներկայացուցիչների կողմից առաջարկվեց Արևելյան գործընկերության (ԱԷԳ) երկրների հեռահաղորդակցության կարգավորողների հետաքրքրություններից բխող այլ թեմաների շուրջ աշխատանքները կարող են իրականացվել ոչ մշտական հիմունքներով, խմբերի աշխատաժողովների, սեմինարներ և այլ տեսակի միջոցառումների կազմակերպման շրջանակում: Համաձայնություն է ձեռք բերվել, որ վերոնշյալ ցանկը և առաջարկը կփոխանցվեն անդամներին, ովքեր սահմանված ժամկետում կներկայացնեն իրենց կարծիքը՝ EaPeReg-ի Լիագումար նիստում վերջնական որոշում կայացնելու նպատակով:

Մասնակիցները քննարկեցին կարգավորող մարմինների կողմից շուկայի վերլուծության արդյունքում կիրառվող միջոցները (remedies) և շուկայի մոնիտորինգի պրակտիկաները՝ ԵՄ կարգավորող շրջանակին համապատասխան, ներառյալ ներդրումները, որոնք արտացոլում են Էլեկտրոնային հաղորդակցությունների եվրոպական օրենսգրքում (EECC) ամրագրված սկզբունքները և BEREC-ի ուղեցույցները: Քննարկումը կենտրոնացած էր ex-ante (կանխարգելիչ) կարգավորող միջոցների կիրառման, շուկայի վերլուծության ընթացակարգերի և արդյունավետ մրցակցության ապահովման գործում ազգային կարգավորող մարմինների դերի վրա: ԱԷԳ երկրների ներկայացուցիչները ներկայացրել են թարմացված տեղեկատվություն շուկայի մոնիտորինգի իրենց ազգային մոտեցումների վերաբերյալ՝ ընդգծելով առաջընթացը և ԵՄ մեթոդաբանություններին համապատասխանեցման հարցում առկա բացերը: Լայնաշերտ կապի մոնիտորինգի գործիքներին նվիրված հատուկ նիստի ընթացքում ներկայացվել են հունգարական լավագույն փորձը, մասնավորապես՝ աշխարհագրական հետազոտության համակարգերի օգտագործումը՝ ԵՄ կապակցվածության նպատակներին և պետական օգնության քարտեզագրման պահանջներին համապատասխան: Սա գործնական օրինակներ է

ընձեռել, որոնք կարող են աջակցել ԵՄ կանոններով նախատեսված լայնաշերտ կապի քարտեզագրման պարտավորությունների իրականացմանը:

Առանձնահատուկ ուշադրություն դարձվեց ԵՄ էլեկտրոնային հաղորդակցության ոլորտում քաղաքականության վերջին զարգացումներին, ներառյալ առաջարկվող Թվային ցանցերի ակտը (DNA), որի նպատակն է արդիականացնել ԵՄ հեռահաղորդակցության շրջանակը: Թվային ցանցերի ակտը (DNA), ինչպես մանրամասն ներկայացված էր Չեխիայի հեռահաղորդակցության գրասենյակի (CTU) կողմից, համապարփակ կարգավորում է, որը նախատեսված է միավորելու մի քանի գոյություն ունեցող շրջանակներ, այդ թվում՝ EECC և Բաց ինտերնետի կանոնակարգը, մեկ միասնական օրենսդրական փաստաթղթի մեջ: Նպատակ ունենալով խթանել ԵՄ միասնական շուկան՝ DNA-ն առաջնահերթություն է տալիս գիզաբիթային օպտիկամանրաթելային կապին, պղնձե ցանցերի պարտադիր անջատմանը և հաճախականությունների սպեկտրի ուժեղացված կառավարմանը՝ Եվրոպական հանձնաժողովի մեծացված վերահսկողության ներքո: Թեև այն պահպանում է հիմնական սկզբունքները, ինչպիսիք են շուկայի գերիշխող դիրքը (SMP) և սպառողների պաշտպանությունը, CTU-ն մտահոգություն է հայտնել որոշումների կայացման կենտրոնացման, կարգավորող կանխատեսելիության հնարավոր նվազման և ազգային կարգավորող մարմինների նկատմամբ ընկալվող «խորը անվստահության» վերաբերյալ: Ակնկալվում է, որ DNA-ի օրենսդրական գործընթացը կշարունակվի մինչև 2027 թվականը, իսկ լիարժեք կիրառումը նախատեսվում է ուժի մեջ մտնելուց մոտ վեց ամիս անց:

Վերջնական օգտագործողների իրավունքների վերաբերյալ քննարկումները հիմնված էին EECC-ի դրույթների և ԵՄ սպառողների պաշտպանությանն առնչվող կանոնների վրա՝ ներառելով թափանցիկությունը, ծառայությունների որակը, պայմանագրային իրավունքները և վեճերի լուծման մեխանիզմները: ԱԳ երկրները ներկայացրել են այդ դրույթների հետ իրենց համապատասխանության ներկա մակարդակը՝ մատնանշելով ԵՄ օրենսդրությանը մոտարկման ուղղությամբ ձեռնարկված օրենսդրական և ինստիտուցիոնալ քայլերը:


**7. Հանդիպումների ժամանակ ընդունված որոշումները, պայմանավորվածությունները, ստորագրված փաստաթղթերը՝** Հանդիպման արդյունքներից ելնելով՝ պայմանավորվածություն է ձեռք բերվել շարունակել համատեղ աշխատանքները Ուկրաինայի ներկայացուցիչների հետ՝ RRA վերաբերյալ իրենց կողմից առաջադրված առաջարկությունների քննարկման նպատակով:

Միևնույն ժամանակ, խմբերի ղեկավարությունը կշարունակի քննարկել աշխատանքային ծրագրում ներառվելիք թեմաները, որոնց մասին վերջնական որոշումները կկայացվեն 2026 թվականի մայիսի 27-ին:


**8.Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝** Ձեռք բերված պայմանավորվածությունների համաձայն նախատեսվում է՝ որպես EaPeReg ցանցում գործող ռուտինգի և կարգավորողների անկախության և լայնաշերտի հարցերով աշխատանքային խմբերի նախագահող, շարունակել աշխատանքները խմբերի աշխատանքներում ներառվելիք թեմաների և նոր ուղղությունների ձևավորման մասով, ինչպես նաև համագործակցությունը EU4Digital նախաձեռնության փորձագետների հետ՝ խմբերի բնականոն գործունեությունը ապահովելու նպատակով:

Հաշվի առնելով հանդիպման ժամանակ քննարկված ժամկետները՝ առաջարկում ենք երկկողմ ձևաչափով շարունակել քննարկումները EU4Digital նախաձեռնության փորձագետների հետ՝ լայնաշերտ կապի հասանելիության մոնիտորինգի գործընթացի արդյունքները ներառող զեկույցում առկա Հայաստանին վերաբերող ցուցանիշների ճշգրտման/թարմացման մասով:

Ջուզահեռաբար, առաջարկվում է ուսումնասիրել միջոցառման ընթացքում ներկայացված՝ հեռահաղորդակցության ոլորտի կարգավորման ԵՄ-ում կիրառելի փորձն ու ըստ անհրաժեշտության դրանք դիտարկել ոլորտը կարգավորող ակտերի լրամշակման կամ նոր կարգավորումների մշակման ընթացքում՝ նկատի ունենալով նաև ՀՀ և ԵՄ միջև Համապարփակ և ընդլայնված գործընկերության համաձայնագրից բխող՝ օրենսդրության մոտարկման հանձնառությունները:

Գործուղվող -----  06.05.2026 **Ա. Հունանյան**  
(ստորագրությունը, ամսաթիվը)

Գործուղվող -----  06.05.2026 **Ս. Ղարախանյան**  
(ստորագրությունը, ամսաթիվը)

Գործուղվող -----  06.05.2026 **Զ. Սյրեփանյան**  
(ստորագրությունը, ամսաթիվը)

Հ Ա Շ Վ Ե Տ Վ ՈՒ Թ Յ ՈՒ Ն  
ԳՈՐԾՈՒՂՄԱՆ ԾԱԽՍԵՐԻ ՀԱՇՎԱՐԿԻ ՄԱՍԻՆ

1. Մարմնի անվանումը Հանրային ծառայությունները կարգավորող հանձնաժողով
2. Գործուղման մասին իրավական ակտի համարը Հրաման 255-ԳՔ, Հրաման 278-ՀՆ, 09.04.2026թ.

ՀՀ ՀԾԿ հանձնաժողովի հեռահաղարդակցության վարչության պետ՝ Արմեն Հունանյան

ՀՀ ՀԾԿ հանձնաժողովի միջազգային համագործակցության բաժնի պետ՝ Զարուհի Ստեփանյան,

ՀՀ ՀԾԿ հանձնաժողովի հեռահաղարդակցության վարչության ռեսուրսների կառավարման և տեխնոլոգիական զարգացման բաժնի պետ՝ Սիրանուշ Ղարախանյան,

(թվարկել՝ պատվիրակություն գործուղելու դեպքում)

4. Գործուղման վայրը ք.Բուդապեշտ /Հունգարիա/

5. Գործուղման ժամկետները 28.04.2026-01.05.2026 թթ

6. Գործուղման ծախսերի ֆինանսավորման աղբյուրը՝

1) իրավիորդ կողմի միջոցների հաշվին հատուցվող ծախսերը  
(թվարկել՝ ճանապարհածախս, գիշերավարձ, օրապահիկ և այլն)

2) պետական բյուջեի միջոցների հաշվին հատուցվող ծախսերը  
(թվարկել՝ ճանապարհածախս, գիշերավարձ, օրապահիկ և այլն)

(ՀՀ կառավարության 2005 թվականի դեկտեմբերի 29-ի N 2335-Ն  
 որոշմանը համապատասխան)

(ընդգծել ծախսերի փոխհատուցման տարբերակը)

Վ ա. փաստացի կատարված ծախսերը հիմնավորող փաստաթղթերի հիման վրա՝  
 դրանցով սահմանված չափով, բայց ոչ ավելի, քան ցանկով նախատեսված չափերը

□ բ. գործուղման անհատական իրավական ակտով տվյալ գործուղման փաստացի  
 կատարված ծախսերի հատուցման պահանջի համաձայն

Ծախսի տեսակը		Արմեն Հունանյան	Զարուհի Ստեփանյան	Սիրանուշ Ղարախանյան	Ընդամենը
Ճանապարհածախս	Ավիաժառայության տեսակը (էկոնոմ դաս)				-
	Ավիատոմսի արժեքը (դրամ)				-
Գիշերավարձ	Վճարը 1 օրվա համար (արտարժույթով դոլար)				
	Վճարը 1 օրվա համար (դրամ)				
	Օրերի քանակը Ընդամենը (դրամ)				-
Օրապահիկ	Վճարը 1 օրվա համար (արտարժույթով դոլար)	84	84	84	
	Վճարը 1 օրվա համար (դրամ)	31,561	31,561	31,561	
	Օրերի քանակը	4	4	4	
	Ընդամենը (դրամ)	126,245	126,245	126,245	378.735
Այլ ծախսեր	Հակահամաճարակային նմուշառումների վճար				
	Մուտքի արտոնագրի վճար				-
	Այլ ծախսեր (նկարագրել)				
<b>Ընդամենը ծախսեր (հազ. դրամ)</b>		<b>126.245</b>	<b>126.245</b>	<b>126.245</b>	<b>378.735</b>

Գլխավոր ֆինանսիստի ստորագրությունը,

(հավելվածը լրաց. 23.03.23 N 326-Ն)

Ամսաթիվ



07.05.2026

